

KWV TXHIAJ

Kwv Txhiaj, Zaj 2, 3, 5 thiab 8

Zaj kwv txhiaj ob. 2 : 8 - 16.

2 8 Kuv hnov tus kuv hlub ! Saib !
Nws tuaj lawm ! Nws dhia hla toj
roob hauv pes khiav tuaj.

9 Tus kuv hlub zoo puav tam li tus kauv,
puav tam li tus muas lwj. Ntsia saib !
Nws tuaj sawv nraum ntsa loog. Nws
xauj nraum qhov rais tuaj. Nws nyob
nraum laj kab ntsia ntsoov tuaj. 10 Tus
kuv hlub tsa suab hais rau kuv tias :

"Koj sawv tsees ! Kuv leej muam zoo
nkauj ! Los mas ! 11 Nyem no lub caij
ntuj no dhau lawm, nag twb tu lawm.

12 Paj tawg puv tas lub teb chaws. Yog
lub caij seev lus paj lus taum. Tus nquab
tsug twb pib quaj hauv peb cov teb tuaj.
13 Cov txiv cev ua cos ntsuab vog, cov
paj txiv cawv tsw qab ntxiag.

Sawv tsees los mas !

Kuv leej muam zoo nkauj, sawv los !

14 Kuv me nkauj nquab, koj los hauv
cov qhov tsua, hauv tej toj ntxhab.

Cev koj lub ntsej muag los rau kuv pom
yuad ! Pub kuv hnov koj lub suab mas !
Koj lub suab zoo mloog, koj lub ntsej
muag zoo nyiam !"

16 Tus kuv hlub yog kuv tug, kuv yog
nws tug. Nws saib nws pab yaj nog zaub
xyaw cov paj ntoos.

Zaj kwv txhiaj ob.

3 : 1 - 5 + 5 : 2+ 6+8

3 1 Ntuj teb tag hmo, kuv nrhiav tus
uas kuv lub siab nyiam saum kuv
lub lav. Kuv nrhiav nws, tab sis kuv
nrhiav tsis tau.

Kuv sawv mus ncig lub nroog.

Kuv nrhiav ntawm tej kev, ntawm tej
tshav puam. Kuv nrhiav tus uas kuv lub
siab nyiam. Kuv nrhiav, tab sis nrhiav
tsis tau.

3 Cov tub zov keeb ncig mus ncig los,
lawv ntsib kuv, kuv nug lawv tias :

"Nej puas pom tus kuv lub siab nyiam ?"

4 Kuv nyuam qhuav mus dhau plaws
ntawm lawv, ces kuv nrhiav tau tus kuv
lub siab nyiam. Kuv nthos nkaus nws,
kuv yuav tsis tso nws tseg li. Kuv yuav
coj nws los hauv kuv niام lub tsev, los
hauv kem tsev uas kuv niام xeeb kuv.

5 Cov ntxhais nyob Yes Lus Xas Les,
kuv thov nej ! Kuv muab cov sai thiab
cov kauv nyob nruab teb los ua tim
khawv, nej tsis txhab tsa kuv tus hlub,
txhab ua nws tsim los, cia nws tsaug zog
kom txaus nws siab.

5 2 Kuv tsaug zog, tab sis kuv nplooj
siab nyob zov hmo. Kuv hnov tus
kuv hlub khob qhov rooj.

6 Kuv qhib rooj rau tus kuv hlub, tab sis
nws tig hlo, nws cia li ploj ntais lawm.
Nws khiav lawm, mas kuv tus plig yuav
luag tuag. Kuv nrhiav nws, tab sis nrhiav
tsis tau. Kuv hu nws npaum twg, los nws
tsis teb.

8 Tsoom ntxhais nyob Yes Lus Xas Les,
kuv thov nej, yog nej nrhiav tau kuv tus
hlub, nej yuav hais dab tsi rau nws ?
Nej hais tias kuv mob vim kev hlub.

Zaj kwv txhiaj kawg. 8 : 6 - 7.

8 6 Koj tso kuv nyob saum koj lub
hauv siab xws li ib lub thwj, xws
li ib lub thwj nyob saum koj txhais
npab.

Kwv Txhiaj, Zaj 8

Vim txoj kev hhub muaj zog cuag li kev tsis duav kev sib hhub.
tuag. Txoj kev hhub kub lug nyaum cuag Yog ib tug neeg muab tas nrho nws lub
li ntuj txias teb tsaus, zoo puav tam li cuab tam huv tib si los muas kev sib hhub,
hluav taws, zoo puav tam li Huab Tais ib los nws kawg yuav tau txais luag lo lus
tug nplaim taws. 7 Cov dej hlob tua tsis thuam.
tau kev sib hhub, cov niam dej ntws nyab

THOOB TSIB

Thoob Tsib, Zaj 1 thiab 2

Yuav nrhiav Tswv Ntuj, yuav ntxub kev txhaum. 1 : 1 - 7.

1 1 Nej cov uas txiav txim rau lub ntiaj teb, nej nyiam txoj kev ncaj mog ! Nej kav tsij xav tswv yim ncaj txog Tswv Ntuj ! Nej ua siab ncaj nrhiav nws. 2 Tswv Ntuj cia cov neeg tsis twv nws nrhiav tau nws xwb. Nws ua kom cov neeg zoo siab ntseeg tau pom xyeem nws.

3 Cov zaj tswv yim nkhaus coj neeg mus deb ntawm Tswv Ntuj. Tus muaj hwj huam pom cov ruam sim nws mas nws ua kom lawv poob ntsej muag.

4 Tus thoob tsib tsis chaws mus hauv ib lub tswv yim phen, nws nyob tsis ruaj hauv ib lub cev zwm rau kev txhaum.

5 Lub tswv yim ntshiab qhia peb, nws ncaim kev nkhaus, nws txav nrug deb ntawm tej zaj tswv yim tsis ntse. Nws tsis xav pom kev txhaum tshwm tuaj.

6 Kev thoob tsib yog ib lub tswv yim nyiam tib neeg. Kev thoob tsib muab txim rau tus neeg hais lus thuam Ntuj. Tswv Ntuj ua tim khawv, nws pom hauv tus thuam Ntuj lub nrog cev thiab pom tseeb hauv nruab siab. Cov lus uas nws tus nplaig hais Tswv Ntuj hnov tas.

7 Huab Tais lub tswv yim nyob puv lub sim ceeb, nws yog tus ua kom tas puas tsav yam nyob ruaj. Nws paub tas puas tsav yam lus uas neeg hais.

Tswv Ntuj tsis xav kom neeg tuag mus li. 1 : 12 - 15.

12 Nej tsis txhob nrhiav txoj kev tuag nyob hauv ib lub neej yuam kev, nej tsis txhob nrhiav kev puas tsuaj rau nej nyob

hauv nej tej hauj lwm. 13 Tswv Ntuj tsis tau tsim txoj kev tuag. Nws tsis xav pom cov muaj txoj sia ploj.

14 Tswv Ntuj tsim txhua yam kom muaj txoj sia nyob. Txhua yam Ntuj tsim los nyob ntiaj teb no xav noj qab nyob zoo. Tsis muaj tshuaj lom neeg nyob hauv txhua yam. Ib txwm txoj kev tuag tsis ua vaj kav lub ntiaj teb no. 15 Vim kev ncaj ncees muaj txoj sia nyob mus li.

Cov neeg tsis hwm Ntuj hiam tus siab ncaj. 2 : 12 - 22.

2 12 Cov neeg tsis hwm Ntuj hais tias : Peb kav tsij cuab ntxiab rau tus neeg ncaj, vim nws ua ntxhov peb siab, nws txiav txim rau peb tus yam ntxwv, nws cem peb tias peb ua txhaum rau Txoj Cai, ua txhaum rau txoj kev peb tau kawm.

13 Nws khav tias nws paub Tswv Ntuj, nws rov hu nws ua Huab Tais tus me nyuam. 14 Tus siab ncaj yog ib tug txiav txim rau peb zaj tswv yim, peb ceeb laj pom nws hwv lawm. 15 Nws txoj kev ua neej tsis xws luag txoj, nws tej xub ke txawv luag.

16 Nws saib peb zoo li tej yam cuav. Nws txav ntawm peb txoj kev cuag li peb txoj kev yog tej yam qias.

Nws tshaj tias hnub kawg cov neeg ncaj yuav tau txoj hmoov zoo, nws khav tias nws txiv yog Tswv Ntuj.

17 Peb sim saib qhov nws hais saib puas muaj tseeb. Peb sim ntsia saib nws yuav tuag zoo li cas. 18 Yog tus siab ncaj yog Tswv Ntuj tus tub tiag, mas Tswv Ntuj yuav pab nws, thiab yuav npo nws ntawm cov ntxub nws txhais tes.

19 Peb yuav sim nws, peb ua tub qaug nws, peb hiam nws saib. Kom peb paub nws lub siab zoo npaum li cas, thiab saib nws puas ua siab ntev nyiaj kom dhau.
 20 Peb kav tsij txiav txim kom nws tuag raws ib txog kev poob koob meej, vim nws twb hais tias yuav muaj tus tuaj npo nws.

21 Cov tsis hwm Ntuj xav tswv yim li ntawd, tab sis lawv yuam kev, lawv lub siab phem mooj lawv lub qhov muag.

22 Lawv tsis paub Tswv Ntuj cov txuj zais tob tob. Lawv tsis tso siab tias Ntuj yuav pub nqi zog rau cov neeg ntshiab, lawv tsis ntseeg tias cov neeg siab huv yuav tau txais paj tshab.

Cov neeg phem yuam kev.

2 : 23 - 24.

23 Muaj tseeb ! Tswv Ntuj tsim neeg tsis txawj tuag tsis txawj lwj. Tswv Ntuj tsim neeg muaj lub meej yim raws li Tswv Ntuj lub meej yim. 24 Vim dab phem khib mas txoj kev tuag thiaj txeem los nyob hauv lub sim ceeb. Cov neeg uas yog dab phem tug, mas muaj ib hnub lawv yuav paub.

Muab cov neeg ncaj txoj hmoov thiab cov tsis hwm Ntuj txoj hmoov. 3 : 1 - 9.

3 1 Cov neeg ncaj tus plig nyob hauv Tswv Ntuj txhais tes. Tsis muaj ib yam xwv txheej dab tsi yuav raug tau lawv.

2 Cov neeg tsis muaj tswv yim xav tias cov neeg ncaj tuag lawm, hos lawv txoj kev ncaim mus yog ib yam xwv txheej loj, 3 thiab lawv txoj kev tawm rooj mus deb ntawm peb, yog ib txog kev puas tsuaj loj. Tab sis cov neeg ncaj ntawd

nyob hauv kev thaj yeeb lawm. 4 Tib neeg xav tias cov siab ncaj tuag, mas yog lawv raug txim, tab sis lawv tso siab lug tias lawv muaj txoj sia nyob mus li. 5 Lawv raug ib txog kev txom nyem sib, tab sis lawv yuav txais txiaj ntsim koob hmoov loj. Tswv Ntuj sim lawv, nws pom tias lawv tsim nyog ua nws tug.

6 Tswv Ntuj sim lawv, zoo li sim kub nyob hauv lub yeej vub. Tswv Ntuj txais lawv zoo li thaj txi Ntuj zoo txhij zoo txhua.

7 Thaum Tswv Ntuj tuaj xyuas lawv, mas lawv ci ntsa iab. Lawv yuav khiav nrawm cuag li hluav taws ri mus kis tej roob nqeeb qhuav.

8 Lawv yuav txiav txim rau cov kuj cuab, lawv yuav tswj cov haiv neeg. Huab Tais yuav ua vaj kav cov siab ncaj mus ib txhis.

9 Cov neeg tso siab rau Huab Tais yuav paub txoj kev tseeb. Cov neeg npuab Huab Tais yuav nyob ze nws hauv txoj kev nyiam. Vim Huab Tais tshwj zias nws lub txiaj ntsim thiab nws txoj kev zam rau nws cov ntshiab, nws tuaj xyuas cov nws xaiv.

Yuav muaj ib hnub txiav txim.

5 : 1 - 5 + 16 - 20.

5 1 Thaum txog hnub txiav txim, tus neeg siab ncaj yuav sawv ntsug, nws nyob ruaj nreb ntawm cov neeg uas thaum ub hiam nws thiab thuam nws cov hauj lwm. 2 Cov neeg thuam tus siab ncaj pom nws txais kev cawm, lawv yuav ntshai, lawv poob siab vim lawv xav tias tus siab ncaj yuav tsis dim ntawm txoj kev txom nyem. 3 Lawv yuav rov khuv xim, lawv ntsaj, lawv lub siab ntxhov txoog, lawv yuav rov sib tham tias : 4 Saib ! Nws yog tus peb tau hnyos, tus

peb tau ua tub qaung nws. Peb tswv yim ploj lawm, peb xav tias nws coj ib lub neej vwm, hnub kawg nws yuav poob koob meej. 5 Ua cas nyem no Tswv Ntuj txais nws nyob hauv Tswv Ntuj cov tub ? Ua cas nws yog ib tug nyob hauv cov neeg ntshiaab ?

16 Cov neeg ncaj muaj txoj sia nyob mus li. Lawv txais koob haum loj, lawv nyob ze ntawm Huab Tais. Tus Huab Tais nyob siab saib xyuas lawv. Huab Tais txhais tes yuav pub cov vaj lub mom teev kub zoo nkauj rau lawv. Huab Tais txhais tes xis txuag lawv. Nws txhais npab pab thaiv lawv xws li daim leem phiaj.

17 Huab Tais txoj kev hlub yog cov neeg siab ntshiaab lub tsho hlau. Huab Tais muab ntaj muab hmuv rau cov ntshiaab tuav, cov ntshiaab thiaj yeej cov yeeb ncuab.

18 Tus neeg siab ntshiaab muab txoj kev ncaj los ua nws lub tsho hlau. Nws muab lub tswv yim tsis dag los ua kaus mom tooj. 19 Nws muab txoj kev ntshiaab los ua daim leem phiaj thaiv nws. 20 Nws muab nws lub siab ceev los ua rab ntaj ntse. Tas lub qab ntuj nrog nws ntaus tsam tiv cov neeg tsis muaj tswv yim.

Cov vaj yuav tsum nrhiav kev thoob tsib. 6 : 1 - 11.

6 1 Cov vaj, nej mloog mas, nej yuav tsum to taub ! Cov nom txiav txim rau cov teb chaws tim npoo ntiaj teb, nej kawm txuj mas !

2 Nej cov uas tswj zeej tsoom, thiab nej cov uas khav tias nej kav ntau lub kuj cuab, nej tig ntsej los mloog mog !

3 Yog Huab Tais muab hwj huam rau nej, yog Tus Nyob Siab pub kom nej muaj hwj chim. Nws yuav saib nej cov hauj lwm thiab nws yuav tsom nej tus nru lus.

4 Nej yog ib co tub txib leg Huab Tais cov hauj lwm ua vaj. Yog nej txiav txim tsis ncaj, yog nej coj Txoj Cai, yog nej tsis ua raws li Tswv Ntuj nyiam, 5 mas Tswv Ntuj yuav tuaj muab txim rau nej sai sai. Cov ua hlob yuav raug txim hnyav.

6 Tus neeg me, mas Ntuj yuav zam rau nws thiab khuv leej nws. Tab sis cov muaj peev xwm loj yuav raug lub txim loj. 7 Tswv Ntuj tsis thaub qab, nws tsis ntshai leej twg. Kev loj hem tsis tau nws. Loj me los yog nws tsim tib si. Nws saib xyuas sawv daws zoo ib yam.

8 Tab sis nws yuav nug cov muaj hwj huam nruj nruj !

9 Cov vaj, kuv hais tej no mas yog hais rau nej kom nej kawm tau kev thoob tsib, kom nej tsis txhob ntog.

10 Cov ua ncaj taug kev ntshiaab mas Ntuj yuav saib lawv yog neeg ntshiaab. Cov txiav siab kawm kev ntshiaab, lawv yuav ntsib chaw vam khom.

11 Nej yuav tshaib thiab nqhis txog kuv cov lus ! Nej thiaj thoob tsib thiab paub txuj.

Tus nrhiav kev thoob tsib nws yuav ntsib. 6 : 12 - 16.

12 Kev thoob tsib ci ntsa iab tsis txawj nphob ib zaug. Cov neeg nyiam kev thoob tsib, mas nws cia lawv ntsia ntsoov nws. Cov neeg nrhiav kev thoob tsib, mas nws cia lawv ntsib nws. 13 Kev thoob tsib xub tuaj thawj cov neeg ntshaw txog nws, nws tawm tuaj rau lawv paub nws.

14 Thaum nyuam qhuav kaj ntug, yog leej twg mus nrhiav kev thoob tsib mas nws tsis tas yuav khwv. Nws yuav pom kev thoob tsib zaum nraum nws qhov rooj tos nws. 15 Nrhiav kev thoob tsib mas

yog txoj kev ntse zoo tshaj. Leej twg uas zov hmo kawm kev thoob tsib, mas nws yuav dim ntawm kev ntxhov siab sai.

16 Kev thoob tsib tawm mus tas qhov txhia chaw, nws nrhia cov neeg tsim nyog txais nws. Kev thoob tsib tshwm ntawm tej xub ke, nws ua ntsej muag luag nyav rau cov uas tsis thuam nws. Kev thoob tsib mus cuag lawv lub tswv yim tsis tseg.

Xas Los Moos saib kev thoob tsib muaj nqis. 7 : 7 - 11.

7 7 Kuv tau thov Ntuj ces Ntuj pub kev txawj kev ntse rau kuv. Kuv hu txog Ntuj ces lub tswv yim thoob tsib los nyob saum kuv. 8 Kuv nyiam kev thoob tsib dua tsoom vaj cov cwj thiab cov theej kiab. Kuv muab nyiaj txiag los piv rau kev thoob tsib ces kuv saib nyiaj txiag yog tej yam khoob ntshuv.

9 Kuv saib lub hlaws npliag deg uas zoo nkauj tshaj cov, muaj nqes tsis npaum kev thoob tsib. Yog muab tas cov kub huv tib si los piv rau kev thoob tsib, mas tej kub ntawd tsuas yog zoo li xuab zeb. Muab nyiaj tso ze ntawm kev thoob tsib, nyiaj yog zoo li av nkos.

10 Kuv nyiam kev thoob tsib dua kev noj qab nyob zoo thiab kev zoo nkauj zoo nraug. Kuv nyiam kev thoob tsib dua qhov pom kev, vim kev thoob tsib ci ntsa mus li tsis muaj caij nphob.

11 Kev thoob tsib coj tas puas tsav yam zoo nrog nws tuaj rau kuv. Nws txhais tes pub ib lub cuab tam nplua nuj ntsuas tsis tau rau kuv.

**Cav lus zoo txog kev thoob tsib.
7 : 22 – 30 + 8 : 1.**

22 Kev thoob tsib yog ib lub tswv yim

ntse thiab ntshiab. Kev thoob tsib ib txhij qhia txog tib yam thiab txog ntau yam. Nws ntse hau, txav mus los sai, nkag thoob plaws, tsis muaj yam qias. Kev thoob tsib ntshiab li dej, nws ua siab ntev nyiaj txhua yam, nws nyiam kev zoo.

23 Kev thoob tsib yog ib lub tswv yim yus cheem tsis tau, ua zoo rau luag, ua tib neeg phooj ywg, ruaj nreb khov kho, tsis paub kev nyuaj siab, yog ib lub tswv yim ruaj nreb, thiab tsis paub kev ntxhov siab. Kev thoob tsib ua tau tas puas tsav yam, nkag thoob plaws sawv daws lub tswv yim, tsis hais cov tswv yim txawj los ntse hau npaum li cas.

24 Kev thoob tsib txawj mus los nrawm dua txhua yam uas mus los, nws nkag thiab hla thoob plaws dhau txhua yam, vim nws heev kawg.

25 Kev thoob tsib yog ib lo pa tawm ntawm Tswv Ntuj lub hwj huam los, yog ib yam ntshiab huv ncho ntawm tus muaj hwj huam los. Li ntawd, tsis muaj ib tee dub yuav txeem tau mus hauv nws.

26 Kev thoob tsib yog ib kab pom kev tuaj ntawm qhov pom kev nyob mus li tuaj, yog ib daig tsom iav huv tsom tau Tswv Ntuj cov hauj lwm, yog daim duab theej Tswv Ntuj lub hwj chim. 27 Kev thoob tsib nyob twm zeej, tsis kav nws ua tau tas puas tsav yam. Nws nyob nws li qub mus li, tsis kav nws ua tau kom txhua yam hauv lub sim ceeb tshiab tuaj. Tiam dhau tiam nws mus ntxaum cov neeg ntshiab tus ntsuj plig ib txheej dhau ib txheej. Nws tsa lawv ua Tswv Ntuj cov phooj ywg thiab cov Yaj Saub.

28 Tswv Ntuj nyiam cov neeg nrog kev thoob tsib nyob swm. 29 Kev thoob tsib zoo nkauj dua lub hnub, nws zoo tshaj ib tsoom hnub qub, nws zoo dua lub hnub qhov pom kev, nws tseem zoo dua qhov pom kev.

30 Vim lub hnub qhov pom kev txawj hloov ua qhov tsaus ntuj, hos kev phem yeej tsis tau kev thoob tsib.

8 1 Txoj kev thoob tsib lub zog mus thoob ntuj thoob teb, nws coj lub sim ceeb mus taug kev zoo.

Yog Tswv Ntuj tib leeg pub tau kev thoob tsib. 9 : 13 - 18.

9 13 Tus neeg twg thiaj yuav paub tau Tswv Ntuj tus nru lus ? Leej twg yuav mem tau qhov uas Huab Tais nyiam ?

14 Leej tib neeg uas txawj tuag, nws zaj tswv yim yog tswv yim txhawj. Neeg zaj tswv yim tsis ruaj. 15 Neeg lub cev txawj lwj, ua nra hnyav qees rau neeg tus plig, neeg lub cev zoo li ib lub tsev av nkos tsuam tus plig uas muaj kev txhawj nyob puv hauv.

16 Peb yuav luag mem tsis tau tias muaj dab tsi nyob ntiaj teb no. Peb siv siv zog thiaj nrhiav tau tej yam uas nyob ze ntawm peb txhais tes, ua li mas yog leej twg thiaj yuav nrhiav tau tej yam uas nyob saum Ntuj ?

17 Huab Tais, leej twg yuav paub tau koj lub siab, yog koj tsis pub kev thoob tsib thiab koj tsis tso koj lub tswv yim ntshiaj tuaj saum ntuj tuaj ?

18 Vim muaj li ntawd, mas cov neeg nyob ntiaj teb no tej xub ke ncaj tuaj, tib neeg thiaj tau paub tej yam ntxim koj siab. Kev thoob tsib tau cawm lawv.

Kev thoob tsib pab cov siab ncaj lub neej kom muaj nqis.

10 : 10 - 14.

10 10 Thaum tus neeg siab ncaj Yas Kos tab tom khiav mus deb

ntawm nws tus tij laug npau taws, mas kev thoob tsib coj Yas Kos mus taug tej txoj kev ncaj. Kev thoob tsib muab Tswv Ntuj lub ceeb tsheej rau nws pom.

Kev thoob tsib qhia txuj kom nws paub yam ntshiab. Kev thoob tsib nres nws kom nws ua tau nws cov hauj lwm, thiab ua kom Yas Kos tej kev khwv txi tau txiv.

11 Muaj ib co neeg ntshaw lub cuab tam loj, lawv hiam tus siab ncaj Yas Kos, kev thoob tsib nres nws, ua kom nws nplua nuj tuaj.

12 Kev thoob tsib thaiv nws ntawm cov yeeb ncuab, thiab txuag nws kom dim ntawm cov neeg phem uas cuab ntxiab rau nws. Tus siab ncaj ntawd nrog kev thoob tsib sib ntsuas zog, kev thoob tsib cia nws ua tus yeej. Tus siab ncaj thiaj paub tias kev hwm Ntuj muaj zog dua tas puas tsav yam.

13 Thaum luag muab tus siab ncaj Yos Xes muag, kev thoob tsib tsis tau tso nws pov tseg. Kev thoob tsib txuag nws kom nws txhob ua txhaum. 14 Kev thoob tsib nrog tus siab ncaj Yos Xes nqes mus hauv lub qhov tim thaj. Kev thoob tsib tsis tso tus siab ncaj pov tseg rau hauv cov saw hlau. Kev thoob tsib nqa tus cwj vaj ntxwv tuaj rau tus siab ncaj Yos Xes tuav. Kev thoob tsib pub kom tus siab ncaj muaj peev xwm tswj luag, kom sawv daws pom tias cov neeg xyav tus siab ncaj lub moo yog ib co neeg dag. Kev thoob tsib pub kom tus neeg ncaj nto koob meej mus ib txhiab ib txhis.

Tswv Ntuj hlub txhua yam nws tsim. 11 : 23 - 26 + 12 : 1 - 2.

11 23 Tswv Ntuj, koj khuv leej sawv daws, vim koj ua tau tas puas tsav yam. Koj qi muag tsis ntsia neeg cov txhaum, kom lawv tu siab tiag rau lawv

cov txhaum.

24 Koj nyiam tas puas tsav yam uas muaj txoj sia nyob, koj tsis thuam ib yam uas koj tau tsim los. Yog koj ntxub yam twg mas koj tsis tsim yam ntawd kom muaj txoj sia nyob. 25 Yam uas koj tsis tau hais kom muaj, mas nws yuav ua zoo li cas thiaj ciaj taus ? 26 Tab sis koj txuag tas puas tsav yam, vim puas tsav yam yog koj tug, vim koj yog tus Tswv nyiam txoj sia.

12 1 Koj lub tswv yim tsis txawj puas, nws nyob hauv tas puas tsav yam. 2 Koj thiaj maj mam qhuab qhia cov neeg ntog. Koj xub ntuas lawv, koj ua kom lawv paub tias lawv ua qhov twg txhaum. Kom lawv nrauj qhov phem ntawd pov tseg, thiab kom lawv los ntseeg txog koj, Huab Tais !

Tus Tswv Ntuj muaj hwj xyeej hlub sawv daws. 12 : 13 + 16 - 19.

13 Tswv Ntuj, dhau ntawm koj lawm tsis muaj lwm tus yuav saib xyuas tau txhua leej xws li koj. Tsis muaj lwm tus uas koj yuav tsum lees ntawm nws xub ntiag tias koj txiav txim tsis ncaj.

16 Yog vim koj muaj hwj huam koj thiaj muaj lub siab ncaj. Yog vim koj lub hwj chim tswj tas puas tsav yam thiab txuag tau tas puas tsav yam.

17 Yog muaj tej tus neeg tsis ntseeg tias koj lub hwj huam loj tas nrho, mas koj muab koj lub zog rau lawv pom. Yog muaj neeg muaj cuab kav hla koj, mas koj qhau lawv.

18 Tab sis, Tswv Ntuj koj txawj cheem koj lub zog, koj tsis txiav txim hnyav rau peb. Koj tswj peb, tab sis koj maj mam ua. Tsuav yog koj xav ua yam twg, mas koj lub hwj huam nyob ntawd, koj ua tau

tam sim ntawd. 19 Yog vim koj maj mam ua li ntawd, mas koj thiaj li tau qhia koj haiv neeg tias tus siab ncaj yuav ua tib neeg tus phooj ywg. Koj ua kom koj cov tub ki tau kev tso siab tias thaum lawv ua txhaum tas lawm, mas koj pub kom lawv txawj tig los yuav lub siab tshiab.

Yuav hwm tus tsim lub sim ceeb.

13 : 1 - 9.

13 1 Muaj tseeb tiag ! Cov neeg tsis paub Tswv Ntuj, mas lawv tsis tsim nqi dab tsi ! Lawv pom lub sim ceeb, tab sis lawv tsis txawj zeem tus ib txwm nyob, lawv ntsia cov hauj lwm ua tiav lawm, mas lawv zeem tsis tau tus ua cov hauj lwm ntawd.

2 Ces lawv saib hluav taws, saib cua, saib huab, saib lub ntuj hnub qub, saib cov dej nphau nphwv thiab saib cov hnub qub yog ib co dab tswj hwm lub sim ceeb. 3 Lawv qhuas tias lawy pom tej ntawd zoo nkauj ces lawv muab ua ib cov dab. Tab sis lawv yuav tsum paub tias tus Tswv tau tsim tej ntawd nws tseem loj tshaj tej ntawd. Vim tus tsim tej yam ntawd yog tus tsim qhov zoo nkauj.

4 Yog cov tsis paub Tswv Ntuj qhuas tias tej yam ntawd muaj hwj huam thiab ua tau hauj lwm loj, mas phim lawv yuav xav tias tus tau tsim tej ntawd tseem muaj hwj huam loj dua tej ntawd.

5 Vim lub hwj huam thiab qhov zoo nkauj uas nyob hauv tej yam Ntuj tsim los ua kom peb pom tau me ntsis tus Tswv tsim tej ntawd los.

6 Tsis kav cov neeg tsis paub Tswv Ntuj, mas tsis phim yuav thuam lawv hnyav, tej zaum lawv yuam kev tab sis kuj yog lawv nrhiav Tswv Ntuj thiab lawv xav paub nws, 7 lawv nyob xyaw tej yam Tswv Ntuj tsim, lawv nrhiav kom lawv to taub

txhua yam, tab sis lawv pom tias tej yam ntawd zoo nkauj tas nrho, ces lawv teev tej ntawd.

8 Txawm yog li ntawd los yuav zam rau lawv tsis tau, 9 vim lawv paub txuj kom lawv tsom tau lub sim ceeb, vim li cas lawv tsis ntxov ntsib tus Tswv ?

**Tswv Ntuj txuag tsoom tub His Xas
Lais. 18 : 6 - 9.**

18 6 Tswv Ntuj, peb cov yawg koob twb xub paub txog hmo uas koj yuav muab cov Hais Nkws Tos tua. Koj ua kom lawv xub paub vim koj xav pab lawv tso siab rau cov lus koj cog, koj xav pab lawv ua siab loj.

7 Koj haiv neeg thiaj tos ntshis tias cov neeg ncaj yuav dim, cov yeeb ncuab yuav ploj. 8 Vim tias koj ib txhij rob caub rau cov ntxub peb, thiab koj muab koob meej rau peb, koj xaiv peb los ua koj tug. 9 Vim li ntawd tas tsoom tub ki ntshiab thiaj txi Ntuj twj ywm nyob hauv nyias tsev, thiab lawv koom cog lus tsa ib txog cai zoo li no : yam li cov ntshiab lawv yuav sib faib lawv cuab tam, lawv yuav sib pab ris xwv txheej. Lawv ua ke hu cov yawg koob cov nkauj.

**Tswv Ntuj ua hwj huam tua cov
Hais Nkws Tos thiab pab His Xas
Lais hla dej. 18 : 14 - 16 + 19 : 6 - 9.**

14 (Thaum txog Hmo Hla nyob Hais Nkws Tos teb), tas puas tsav yam nyob ntsiag to, yog hmo ntuj ib tag hmo lawm.

15 Ces nyob saum txheej ntuj siab, koj lo lus muaj hwj huam tas nrho sawv tsees ntawm lub theej kiab los. Koj lo lus zoo li tus peeb zeej tsis txawj hhub, nws tuaj nyob hauv ib lub teb chaws uas yuav tuag tu noob. Nws tuav koj cov lus ceeb toom, yog nws rab ntaj ntse hau. 16 Nws nres, nws ua kom muaj kev tuag ri mus puv tas lub sim ceeb. Koj lo lus mus chwv lub ntuj thiab tsuj ntiaj teb.

19 6 (Thaum koj haiv neeg hla hiav txwv). Koj xav txuag koj tsoom me nyuam kom lawv txhob raug yam phem, kom tas lub sim ceeb mloog koj cov lus qhia. Koj rov puab dua lub sim ceeb kom tshiab tuaj. Lawv pom huab tuaj ntsauv lub yeej. Lawv pom av qhuav tshwm hauv tiv txwv dej los. Lub hiav txwv Liab txia ua ib txog kev zoo mus. Cov dej npbau npbwv txia ua ib lub tiaj ntsuab xiab. 8 Koj txhais tes pov hwm koj haiv neeg hla lub tiaj ntawd. Lawv qhuas koj cov hauj lwm zoo nkauj zoo saib. 9 Lawv zoo li cov nees nog zaub tom nras. Lawv dhia paj paws xws li ib pab yaj. Lawv cav txog koj, Huab Tais, vim koj yog tus npo lawv dim.